

الكتب القيمة المخزونة الكاملة لقومية هوي الصينية

回族典藏全書

吴海鷹 主編

甘肅文化出版社
寧夏人民出版社

205

主編
副主編

吳海鷹

吳建偉

雷興魁

雷曉靜

回族典藏全書

205

甘肅文化出版社
寧夏人民出版社

第二百零五冊 目錄

白華樓詩鈔	清木刻本	清·薩玉衡		一
白華樓焚餘稿	清木刻本	清·薩玉衡		一五九
荔影堂詩鈔	清手抄本	清·薩大文		一九一

文獻名 白華樓詩鈔
作者 清·薩玉衡
版本 清木刻本

白華樓詩鈔

白華樓詩鈔序

嚴滄浪云詩有別才非關書也詩有別趣非關理也然非多讀書多窮理則不能極其至卓哉是言乎犇牛不可以執鼠千將不可以補履鄭刀宋斤遷乎地而弗良櫪梨橘柚味相反而皆可於口此別才之說也五沃之土無敗歲九成之臺無枉木飲於江海杯勺皆波濤採於山藪尋尺皆松樅此多讀書之說也解牛者目無全牛畫馬者胷有全馬造弓者擇幹於太山之阿一日三觀陰三觀陽傳角纏筋三年乃成學琴者之蓬萊山聞

白華樓詩鈔

序

一

文獻名 白華樓詩鈔
作者 清·薩玉衡
版本 清木刻本

文獻名 白華樓詩鈔
作者 清·薩玉衡
版本 清木刻本

白華樓詩鈔

下

海水瀕洞山林杳冥一動操而爲天下妙此多窮理之說也故才不儻則意凡學不豐則詞儉理不博則識褊古大家之爲詩雖風格各殊顧於是三者必有所獨至然後其騰實大而收名遠而世徒執別才一語爲滄浪詬病抑過矣

清興稱詩於吾鄉者無慮百數十家然必以張超然藍君漪爲巨擘在近日又以長樂劉次北侯官鄭西澗鄭涵山閩縣林暢原薩檀河爲最而薩子尤雄特薩子元雁門直齋侍御之族故酒狂然天真夷曠博聞彊記嘗

著經史彙考小檀弓金淵客話曲江雜錄補傳子補鄭
荔鄉全閩五代詩話皆淹洽可傳不幸燬於火其稿勵
有存者要之能具別才而兼學識三者也其爲詩駿偉
廣博譬諸快劍長戟之撞秘黃鐘大呂之鏘洋大瀛吹
波魚龍出沒沃日蒸霞萬象融滉建章神明嶢嶢瑰麗
銅鳳金爵照爛天表美哉盛乎非薩子其孰能爲此哉
抑吾聞薩子曠者宰洵陽時劇賊方薄城火攻符節相
望咫尺不一矢援薩子及其長子宗甫竭力守禦相持
七晝夜賊竟去已而四川總督某坐失機見法薩子亦

文獻名 白華樓詩鈔
作者 清·薩玉衡
版本 清木刻本

文獻名 白華樓詩鈔
作者 清·薩玉衡
版本 清木刻本

白華樓詩鈔

序

二

以賊過河論戍蒙

恩援贖乃免歸而長子尋以勞天蓋人生安危之機得失之故存亡哀樂之變莫大乎是求之古三百篇則擊鼓清人之刺鴟鴞狼跋之憂詩人往往摠其隱而有所不能已於言今誦薩子入秦以後詩無一涉身世怨尤語何也夫非深於溫柔敦厚之旨千古詩人之教情不同而道相合耶其視前世詞人之所爲不得志而牢愁發憤者何如也薩子長余十餘歲交於余將三十載又與余太父遊余知之最深嘗論余詩其秀逸沈雄者殆

合虞劉兩文靖爲一手此所謂誘之使至於是余焉足
以語此若薩子之作乃誠遠與虞揚范揭四家接武而
近視張藍二子駸駸乎欲度其前者也世有知言如滄
浪始可與言薩子之詩哉

嘉慶十有七年壬申冬同里弟陳壽祺序

文獻名
白華樓詩鈔
作者
清·薩玉衡
版本
清木刻本

文獻名 白華樓詩鈔
作者 清·薩玉衡
版本 清木刻本

題詞

栗里歸來足嘯歌脫離宦海省風波
恠來詩句鮮成綺
家世燕山薩照磨

玉軸牙籤海嶽儲雲煙過眼總成虛
祝融相子休嗟怨
擬賀參元失火書

年弟林茂春

白華樓詩鈔目錄

卷一

古今體詩六十二首

卷二

古今體詩八十三首

卷三

古今體詩五十三首

卷四

古今體詩六十八首

白華樓詩鈔

目錄

二

文獻名 白華樓詩鈔
作者 清·薩玉衡
版本 清木刻本

白華樓詩鈔卷一

閩中薩玉衡 檀河著

男大年校刊

詠史

漢興承二敝六經悉離棄廣川下帷生表章釐失墜三
策貫天人哀然羣儒粹後來高園燔禍首倡災異大興
淮南獄詎合緩刑意遂開陰陽學假經託象類宣元檻
其成哀平踵其偽申福十二應炕龍表符瑞卒使炎祚
傾紫蠹分閭位學術吁一乖窮經遺世累

張悌殉身時謂荷名賢顧戴淵投劍泣乃感知已悟南

白華樓詩鈔

卷一

一

文獻名 白華樓詩鈔
作者 清·薩玉衡
版本 清木刻本

文獻名 白華樓詩鈔
作者 清·薩玉衡
版本 清木刻本

白華樓詩鈔

卷一

風無停披衆卉藉吹煦東海不擇流百川有歸注綸氏
煽大治千人受陶鑄師友得荀陳高風天下慕南陽樊
德雲驥尾不容附清流喜自居惜哉人踐汙謾謾松下
風龍門悵難遇

漢駕倏西遷公卿逼搶攘立壇紀北魁名士釀鈞黨鳴
呼二十年文章舉漂蕩有識戒危言先幾處平壤鴻鵠
已高翔龜龍孰爭長不見塾角巾遠嗣洪崖響不見蓬
萊居蕭然楚狂想

鈞龍臺

吾聞龍可參劉累世其工

說文工官也

又聞龍可釣越王擅

英雄如何朱泚漫千金散無功高臺何龍嵒龍去臺亦
空秦鹿失已久誰談楚重瞳赤蛇今又死誰識隆準翁
我懷太古意悲歌莽蒼中劍戟沈海雨旌旂薶天風大
江枕其下怒轉如靈隱霸圖千秋事一碎夕波紅懿彼
垂竿者寥天但飛鴻

遊石鼓山雜詠

浴鳳池

師來曾徒龍師去豈鞭鳳至今池水清寂寂山鳥哢

白華樓詩鈔

卷一

二

文獻名 白華樓詩鈔
作者 清·薩玉衡
版本 清木刻本

文獻名 白華樓詩鈔
作者 清·薩玉衡
版本 清木刻本

白華樓詩鈔

卷一

雙髻石

鬢陀雲作頂雙髻不用綰君問四大軀假合本成幻

喝水巖

憑誰更喝同一慊幽耳賞蒼巖寂無聲風松作泉響

石門

峭立自古今嵯岬無開闔與證不二門林風吹脩颯

簫灣嶺

石腹脹如鼓巖頭懸若鐘何當一撞伐直作三日聾

劍石